



Kuba Akcija 10 dana

12. novembar 2021. - 21. novembar 2021.
10 dana - 7 noći

“ Kuba je ostrvo na kome je vrijeme stalo, koje je bogato historijom, nasmijanim ljudima, pješčanim plažama i bujnim zelenilom. Egzotično putovanje u Centralnu Ameriku nikada nije bilo bliže i lakše sa nasmijanim plemenom.

Pored tirkiznog mora i bijelih pješčanih plaža Varadera, posjetit ćemo i farmu Finca Luna, upoznati se sa tradicionalnim vrijednostima Kube i piti kafu i pušiti tompus u lokalnim šarenim kućama.

Upoznajemo se sa životom i skulpturama kubanske umjetnice Rite Longe, ispijamo mojito i isprobavamo egzotično voće u kubanskim starosjedilačkim kućama i selima, upoznajući se sa pravim kubanskim životom.

U saradnji sa Turkish Airlines-om.

”



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Plan i program

Dan 1: Okupljanje grupe i polazak

Okupljanje na aerodromu "Nikola Tesla" u Beogradu dva sata prije leta. Let do Havane u 20:20h sa presjedanjem. Dolazak u Istanbul u 00:05h.

Prevoz

Aviokartu sa svim taksama na relaciji Beograd–Istanbul, u ekonomskoj klasi sa 23 kg čekiranog, 8 kg ručnog čekiranog prtljaga

Mesto

Beograd, Istanbul

Dan 2: Dolazak na Kubu

Konekcija na let za Havanu u 02:10h. Dolazak u Havanu u 08:45h po lokalnom vremenu. Poslije obaveznog PCR testa, transfer sa aerodroma do smještaja u Varaderu. Prvi dan na Kubi odmaramo i upoznajemo se sa magijom Kariba. Slobodno vrijeme koristimo za uživanje na plaži, kupamo se u tirkiznom moru, ležimo ispod palmi na bijelom pijesku i slušamo muziku lokalnih muzičara.

Prevoz

Aviokarta sa svim taksama na relaciji Istanbul - Havana, u ekonomskoj klasi, sa 23kg čekiranog i 8kg ručnog prtljaga

Transfer od Havane do Varadera

Smeštaj

Kawama Hotel 3* (1 noć)

Mesto

Istanbul, Havana, Varadero

Hrana

Ručak (usluga all inclusive) × 1

Večera (usluga all inclusive) × 1

Dan 3: Degustacija koktela i čas plesa

Poslije prve noći na Kubi, organizovano imamo čas plesa, dok poslije podne učimo kako se prave kokteli i degustiramo ih na plaži.

Smeštaj

Kawama Hotel 3* (1 noć)

Mesto

Varadero

Hrana

All inclusive × 1

Dan 4: Slobodan dan u Varaderu

Dok čekamo rezultat PCR testa, imamo slobodan dan u Varaderu za uživanje, odmor i istraživanje jednog od najljepših gradova Kube.

Smeštaj

Kawama Hotel 3* (1 noć)

Mesto

Varadero

Hrana

All inclusive × 1

Dan 5: Fakultativni izlet - Vožnja džipovima i Koralna plaža

Fakultativni izlet – Vožnja džipovima, Koralna plaža i Kanimar(Canimar) rijeka. Vozimo se kroz nasipe, seoske puteve, kamenolome uključujući posjetu tipičnoj kubanskoj farmi. Nakon toga, čeka nas još avantura kao što su snorkeling i odlazak na Koralnu plažu, vožnja rekom Kanimar(Canimar) i prisustvovanje svojevrsnom obredu starosjedilaca! Povratak u Varadero.

Smeštaj

Kawama Hotel 3* (1 noć)

Mesto

Varadero

Hrana

All inclusive × 1

Fakultativni izleti

Vožnja džipovima, Koralna plaža i reka Kanimar



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Dan 6: Safari Cayo Blanco

Fakultativni izlet – *Safari Cayo Blanco*. Vožnja katamaranom gdje se mogu vidjeti sve čari i ljepote kubanskog mora! Dolazak na Cayo Blanco plažu i odmaranje na rajskim plažama. Povratak u Varadero.

Smeštaj

Kawama Hotel 3* (1 noć)

Mesto

Varadero

Hrana

All inclusive × 1

Fakultativni izleti

Safari Cayo Blanco

Dan 7: Fakultativni izlet - Cubaneando

Fakultativni izlet – *Kubaneando(Cubaneando)*! Obilazak stare fabrike šećera, gdje se nalaze mašine i oprema koji su korišteni u procesu dobijanja šećera. Degustacija „Guarapa“. Posjeta farmi Finca Luna, gdje ćemo vidjeti obradive površine, ukrasne biljke, degustiramo sezonsko voće, posjećujemo mali zoološki vrt. Zatim se penjemo na Mirador del Gallo (monumentalna skulptura) odakle se vidi cijela plantaža. Poslije obilaska, imamo slobodno vrijeme gdje možete uživati u tipičnom kubanskom i porodičnom okruženju. Pre povratka u Varadero, panoramski obilazimo grad Cardenas.

Smeštaj

Kawama Hotel 3* (1 noć)

Mesto

Varadero

Hrana

All inclusive × 1

Fakultativni izleti

Kubaneando

Dan 8: Fakultativni izlet - Farma krokodila i Guama snorkeling

Fakultativni izlet – *Farma Krokodila i Guama snorkeling*. Posjeta farmi krokodila, odgovornoj za očuvanje i razmnožavanje različitih vrsta ove životinje, simbola ovog regiona. Vožnja brodom i posjeta replici sela Taina, mjesto gdje možemo vidjeti živopisne skulpture kubanske umjetnice Rite Longe. Poslije posjete ovom selu, put nastavljamo do plaže Punta Perdiz gdje uživamo i ronimo. Povratak u Varadero.

Smeštaj

Kawama Hotel 3* (1 noć)

Mesto

Varadero

Hrana

All inclusive × 1

Fakultativni izleti

Guama Snorkeling

Dan 9: Napuštanje smještaja i slobodno vrijeme do polaska

Napuštanje smještaja i transfer do aerodroma. Poslije obaveznog PCR testa, imamo let do Beograda u 09:15h sa presjedanjem u Istanbulu.

Prevoz

Transfer od Varadera do Havane

Aviokarta sa svim taksama na relaciji Havana – Istanbul, u ekonomskoj klasi sa 23 kg čekiranog i 8 kg ručnog čekiranog prtljaga

Mesto

Varadero, Havana

Hrana

Doručak (usluga all inclusive) × 1

Dan 10: Povratak i kraj putovanja

Dolazak u Istanbul u 10:00h. Presjedanje na let za Beograd u 19:50h. Dolazak u Beograd u 19:30h. Vraćamo se sa ovog nevjerovatnog puta, dok u glavi i dalje čujemo zvuke regetona, a noge nam same zaigraju na ritam salse.

Prevoz

Aviokarta sa svim taksama na relaciji Istanbul-Beograd, u ekonomskoj klasi sa 23 kg čekiranog i 8 kg ručnog čekiranog prtljaga

Mesto

Istanbul, Beograd



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Cene i uslovi

Smještaj

Hotel *** (Kuba)

Šta je uključeno

- Kompletna organizacija i usluge predstavnika agencije na destinaciji
- Hotel *** (Kuba)
- Hotel 3* (prema lokalnoj kategorizaciji) je smještajni objekat koji raspolaže jednokrevetnim, dvokrevetnim i trokrevetnim sobama i sadrži all inclusive uslugu.
- Avio karta sa svim taksama na relaciji Beograd – Havana – Beograd, u ekonomskoj klasi sa presjedanjem, sa 23kg čekiranog i 8kg ručnog prtljaga
- Svi transferi od aerodroma do smještaja, od smještaja do aerodroma i između gradova prema planu i programu puta

Regularna cena

2.580,00 BAM

Promo cijena

Važi za prijave **do 02.08.2021. godine**

2.180,00 BAM

First minute cijena

Važi za prijave **do 20.08.2021. godine**

2.380,00 BAM

Nije uključeno

- Fakultativne izlete i ulaznice za kulturno historijske spomenike
- Putno zdravstveno osiguranje (može se uzeti u agenciji)
- PCR test prije polaska (ne stariji od 72h)

Uslovi plaćanja: Cijene aranžmana objavljene na web stranici izražene su sa uračunatim popustom od 2,5% i vrijede za plaćanje gotovinom u poslovnici ili uplatu na transakcijski račun agencije.

Cijene aranžmana se uvećavaju za 2,5% ukoliko putnik aranžman plaća u poslovnici karticom - jednokratno.

Prilikom prijavljivanja plaća se avans u iznosu od 400 KM, a ostatak sume plaća se u agenciji ili putem banke najkasnije 6 sedmica pred put.

Nudimo vam mogućnost plaćanja **NA RATE karticama UniCredit banke**. Mogućnost odabira plaćanja od 2 do 24 rate.

Prijavljivanje: Preporučujemo ranije prijave jer je broj mjesta ograničen. Prilikom prijave potrebno je dostaviti skeniranu prvu stranu pasoša, u suprotnom agencija ne snosi odgovornost od štampanja avio karata sa pogrešnim imenom. Prijava je validna jedino uz uplatu avansa. Dokumenta za vize potrebno je dostaviti najkasnije mjesec dana pred put. Ukoliko putnici ne dostave dokumenta za vize u navedenom roku, dužni su da sami obezbijede vize za putovanje. Ukoliko putnici sami pribavljaju vize, dužni su da kopiju vize dostave do 15 dana pred put.

Fakultativni izleti

Vožnja džipovima, Koralna plaža i reka Kanimar

Cijena: **80,00** EUR

Avanturu započinjemo vožnjom kroz nasipe, seoske puteve, kamenolome uključujući posjetu tipičnoj kubanskoj farmi. Nakon toga, čeka nas još avantura kao što su snorkeling i odlazak na Koralnu plažu, vožnja rijekom Kanimar i prisustvovanje svojevrsnom obredu starosjedilaca! Slobodno vrijeme ćemo iskoristiti za uživanje u svojevrsnoj prirodi gradića pod nazivom Arboleda. Cijena izleta obuhvata prevoz, lokalnog vodiča i ručak.

Safari Cayo Blanco

Cijena: **95,00** EUR

Vožnja katamaranom gdje se mogu vidjeti sve čari i ljepote kubanskog mora! Dolazak na Cayo Blanco plažu i odmaranje na rajskim plažama uz neizostavni snorkeling i ručak pored more sa tipičnim morskim specijalitetima. Cijena izleta obuhvata prevoz, lokalnog vodiča, ručak, piće i užinu na brodu.

Kubaneando

Cijena: **85,00** EUR

Obilazak stare fabrike šećera, gdje se nalaze mašine i oprema koji su korišteni u procesu dobijanja šećera. Degustacija „Guarapa“. Posjeta farmi Finca Luna, gdje ćemo vidjeti obradive površine, ukrasne biljke, degustiramo sezonsko voće, posjećujemo mali zoološki vrt, a na kraju obilaska imamo i organizovan ručak. Zatim se penjemo na Mirador del Gallo (monumentalna skulptura) odakle se vidi cijela plantaža. Poslije obilaska, imamo slobodno vrijeme gdje možete uživati u tipičnom kubanskom i porodičnom okruženju. Prije povratka u Varadero, panoramski obilazimo grad Cardenas. Cijena izleta obuhvata prevoz, lokalnog vodiča i ručak.

Guama Snorkeling

Cijena: **95,00** EUR

Posjeta krokodilskoj farmi, koja je poznata po očuvanju i razmnožavanju različitih vrsta ove životinje, koja predstavlja simbol regiona. Izlet brodom i obilazak replike sela Taina,



Jungle Travel d.o.o.

Branilaca Sarajeva 14,
71000 Sarajevo

PIB: 4202134850007

MB:

Broj licence: 4202134850007

Tekući račun: UniCredit

Telefon: 033 552-552

E-mail: kontakt@jungletribe.ba

Sajt: www.jungletribe.ba

gdje kroz cijelo mjesto možete vidjeti živopisne skulpture kubanske umjetnice Rite Longe. Skulpture predstavljaju Indijance u svojoj svakodnevici, od ribolova do izvođenja vjerskih obreda. Posjećujemo Punta Perdiz gdje nas očekuje ručak i vrijeme za ronjenje u Karipskom moru i zatim povratak.

Cijena uključuje: transferi, vodič, ručak.

Smeštaj

Kawama Hotel ***
3*

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Hotel 3* (prema lokalnoj kategorizaciji) je smještajni objekat koji raspolaže jednokrevetnim, dvokrevetnim i trokrevetnim sobama. 7 noćenja sa all inclusive uslugom.

Sajt

<https://www.jungletribe.rs/>

Adresa

Calle O
Reparto Kawama
Varadero VRA
Varadero
Cuba

Prevoz

Avion

Putnički avion (linijski *putnički avion* ili komercijalni transportni avion) veliki je avion prvenstveno namijenjen komercijalnom prevozu putnika i tereta.

Lokalni transfer

Kombi prevoz je prevozno sredstvo za manje grupe putnika, najčešće do 15 ljudi.

Mesta

Beograd

Beograd je glavni grad Republike Srbije. U urbanom dijelu grada živi 1,23 miliona, a unutar administrativne teritorije grada gotovo 1,7 miliona stanovnika. Beograd je grad veoma burne historije i jedan od najstarijih urbanih cjelina u Europi. Njegova historija traje punih 7000 godina.

Istanbul

Istanbul kroz historiju također poznat i kao Carigrad, Konstantinopolj ili Bizantium, najveći je grad u Turskoj, privredni, kulturni i historijski centar i jedan od najvažnijih gradova ove transkontinentalne države. Sa otprilike 12,56 miliona inostranih turistu u 2015. godini, pet godina nakon što je proglašen za Evropsku prestonicu kulture, Istanbul predstavlja peti naposjećeniji grad na svijetu. Najveće turističke atrakcija grada su historijski centar, djelimično uvršten na UNESCOov spisak svjetske baštine, kulturni i zabavni centar koji se proteže uz gradsku prirodnu luku, Zlatni rog, u oblasti Beyoğlu i dr. Istanbul se smatra globalnim gradom kao i jedna od najbrže rastućih ekonomskih metropola na svijetu. Smješten na strateški važnom mjestu, nekadašnjem Putu svile.

Havana

Havana je glavni grad, najveća luka i vodeći trgovački centar Kube. Grad, jednu od 14 kubanskih provincija, nastanjuje 2,2 miliona stanovnika. Havana je tradicionalno bila poznata kao turistički centar svjetskog glasa, mjesto bogatog kulturno-historijskog arhitektonskog naslijeđa i po tradicionalnoj proizvodnji duhanskih proizvoda i alkoholnih pića. Savremena Havana sjedište je kubanske vlade, više ministarstava, te poslovno središte.

Varadero

Varadero je grad u provinciji Matanzas na Kubi i jedno od najvažnijih turističkih središta na Karibima. Varadero je najekskluzivnije ljetovalište na sjevernoj obali Kube, nalazi se na poluotoku Hicachos, 140 kilometara istočno od Havane. Varadero je prije svega poznat po 20 kilometara dugoj bijeloj pješčanoj plaži iz snova koja vas ne može ostaviti ravnodušnim. Ovo je jedno od najpopularnijih mjesta na Kubi i osim što je dom prekrasnim pješčanim uvalama, područje je prepuno golf terena, hotela i restorana.

Korisne informacije

Kuba

1. OPŠTI PODACI

Kuba je ostrvska država u Centralnoj Americi. Glavni i najveći grad je Havana sa oko 2 miliona stanovnika dok čitava država ima 11 miliona stanovnika. Sa južne strane izlazi na Karipsko more dok na sjeveru izlazi na Meksički zaliv i Atlanski ocean. Po državnom uređenju Kuba je republika.

Površina zemlje: 109,884 km²

Broj stanovnika: 11 miliona

Glavni grad: Havana



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Nacionalnost: Kubanci

Zvanični jezik: španski

Vjeroispovijest: zvanično ateistička država, ali oko 60% katolici, oko 20% tradicionalne religije

Nezavisnost: 20.05.1902.

2. VIZA

Za državljanje BiH je potrebna viza/turistička kartica. Agencija posreduje u izdavanju turističke kartice.

3. VREMENSKA ZONA

Vremenska zona je **UTC -5**.

4. KLIMA

Na Kubi vlada tropska klima. Prosječna godišnja temperatura je 25°C, u januaru prosječna temperatura je 21°C dok je u julu prosječna temperatura 27°C. Period od novembra do aprila je sušni period godine, dok je period od maja do oktobra kišni. U septembru i oktobru povremeno se javljaju uragani. Takođe Kubu odlikuje visoka vlažnost vazduha.

5. HRANA

Kuhinja na Kubi se bazira prije svega na ribljim specijalitetima i morski plodovima, ali su isto tako zastupljene i sve vrste mesa. Prilog koji ide uz gotovo svako jelo jeste riža, Moros y Cristianos tj. riža i crni grah. Nacionalno jelo je Ropa Vieja - govedina sa povrćem. Na Kubi postoji puno vrsta voća i povrća koje ne rastu u Evropi (gvajaba, ananas, malanga, juka...). Preporučuje se konzumiranje hrane isključivo iz restorana osim voća i povrća kojeg ima na pijacama. Cijene su kao i u Evropi (okvirno obrok između 10-15 eura). Bitno je napomenuti da se obavezno mora konzumirati flaširana voda!

6. VAKCINE I ZDRAVSTVENA SITUACIJA

Vakcinacija nije neophodna za putnike koji putuju na Kubu, ali se savjetuje da se putnici individualno informišu sa svojim ljekarom. Poželjno je ponijeti lijekove za stomak (probiotike), ferveks ili neke lijekove za bolove i temperaturu, za svaki slučaj. Takođe, tamo ima komaraca, pa bi bilo dobro da ponesete i Autan kao i kreme za sunčanje. Sve ove preparata potrebno je ponijeti na Kubu jer tamo ne postoje veliki supermarketi i gotovo ih je nemoguće pronaći na samoj destinaciji.

7. OSIGURANJE

Za ulazak na Kubu neophodno je da kod sebe imate međunarodno zdravstveno osiguranje. Možete ga uzeti u bilo kojoj osiguravajućoj kući ili kod nas u agenciji do 5 dana pred put - Sarajevo osiguranje, do 30 000 eura ste osigurani.

8. BEZBJEDNOST

Situacija na Kubi je bezbjedna i stopa kriminala je jako niska. U svakom slučaju savjetuje se oprez od sitnih krađa i džeparenja u velikim gradovima i turističkim mjestima. Šetanje ulicom je slobodno i bez problema čak i u večernjim satima. Droga je ilegalna pojava i kao takva kažnjiva zakonom.

9. ODJEĆA

S obzirom na visoke temperature tokom cijele godine na put je potrebno ponijeti ljetnu odjeću. U zimskim mjesecima se preporučuje nošenje i nešto dugih rukava i nogavica za uveče. Preporučuje se da ponesete i neku stariju odjeću koju možete pokloniti vašim domaćinima na kraju putovanja. Ukoliko se odlučite i za izlet tracking do vodopada neophodno je ponijeti i udobne patike. Ponesite i šešire ili kačkete kao zaštitu od sunca.

10. NOVAC

Kuba je zemlja koja ima 2 valute - CUC tj. konvertibilni pezos i CUP tj. pezos ili moneta nacional. Vama će na putu trebati samo CUC i to je valuta koju dobijate kada u mjenjačnici mijenjate novac. Kurs iznosi 1 eur = 1,1 CUC. Novac možete mijenjati i u CUP ali tu valutu možete koristiti samo na pijaci u nekim manjim lokalnim radnjama, a odnos je 1 CUC = 23 CUP. Novac se mijenja u mjenjačnicama koje su državne tako da je kurs svuda identičan. Na put nosite eure s obzirom da su na dolare visoke provizije. Savjetuje se nošenje gotovine jer plaćanje karticama nije zastupljeno, a bankomati nisu uvijek u funkciji i nema ih na puno mjesta.

11. KOMUNIKACIJA

Naše mobilne mreže funkcionišu na Kubi. Što se tiče interneta on na određenim mestima (wi-fi parkovi, lobiji velikih hotela) ali se kartice za internet kupuju i okvirno koštaju 1h = 2 eura. Iz tog razloga ne preporučuje se nošenje laptopa s obzirom da konekcije nisu uvijek dobre. Takođe nije moguće kupiti kubansku karticu za mobilni telefon.

12. STRUJA

Potrebno je ponijeti adapter sa dva tanka ulaza.

12. TOPLA PREPORUKA

Kuba je jedna interesantna i vesela zemlja! Nigdje nećete vidjeti toliko nasmjanih ljudi spremnih da zaplešu svakog trenutka. Na Kubi ćete uživati u muzici, koktelima i plažama sa bijelim pijeskom. Ali pored toga imat ćete priliku da obidete i ruralne dijelove Kube i da se upoznate sa načinima pravljenja čuvenih kubanskih cigara. Za one koji vole i malo aktivni odmor imat ćete priliku i da pješačite kroz prašume i da se kupate ispod samog vodopada. Kuba ima dosta toga da ponudi tako da ćete imati priliku i da odmorite i da istražujete!

Važne napomene



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Opšte napomene:

- Organizator putovanja je JUNGLE TRAVEL sa licencom OTP 266/2010.
- Prilikom prijave potrebno je dostaviti kopiju pasoša/podatke pasoša sa kojim će putnik putovati na samo putovanje. Obavezno je da putnik proveri trajanje i ispravnost putnog dokumenta, kao i broj slobodnih stranica potrebnih za putovanje.
- Svi pasoši moraju imati rok važenja minimum 180 dana (6 mjeseci) od dana povratka u zemlju.
- Organizator putovanja zadržava pravo promjena pojedinih sadržaja u programu usljed vanrednih okolnosti i stvari koje agencija ne može predvidjeti, u vrijeme zaključenja ugovora.
- Organizator putovanja nije ovlašten i ne cijeni valjanost putnih i drugih isprava.
- Za sve informacije date usmenim putem agencija ne snosi odgovornost.
- Potpisnik Ugovora o putovanju ili predstavnik grupe putnika obavezan je da sve putnike upozna sa ugovorenim programom putovanja, uslovima plaćanja i viziranja i OPŠTIM USLOVIMA PUTOVANJA JUNGLE TRAVEL-a.
- Putnici su dužni da dva dana pred put provjere tačno vrijeme i mjesto polaska grupe.
- Putnik je dužan da se sam upozna sa pravilima ponašanja zemlje u koju putuje i da poštuje važeće zakonske carinske propise.
- U prevoznim sredstvima je najstrožije zabranjeno pušenje, konzumiranje alkohola i opojnih sredstava.
- Putnici su dužni da, u autobusu i drugim prevoznim sredstvima kojima se vrši transfer, ostanu na svojim mjestima, i ne smiju ih napuštati na mjestima koja nisu predviđena za pauze (granice, check point stanice, naplatne rampe itd). U slučaju da putnik napusti vozilo bez prethodnog dogovora sa predstavnikom agencije, sam snosi sve eventualne troškove i posljedice.
- Putnik koji svojim neadekvatnim ponašanjem uznemirava druge putnike ili ometa vozače i pratioca u poslu, bit će odmah isključen sa putovanja i sva odgovornost prelazi na njega bez prava na žalbu i povrat novca.
- Putnik je dužan da poštuje satnicu određenu od strane predstavnika agencije na putovanju, u suprotnom predstavnik agencije ima pravo da putnika isključi sa putovanja.
- U turističkim autobusima nije moguća upotreba toaleta; u skladu sa planom i programom puta pauze se prave na 3-4 sata (u zavisnosti od lokacije i opremljenosti benzinske stanice) koje putnici mogu iskoristiti za upotrebu toaleta.
- Agencija određuje raspored sjedenja, mjesto polaska, mjesta za pauzu i dužinu iste; uplatom prevoza, putnik prihvata sve gore navedeno, bez prava na prigovor i žalbu.
- Aranžman je rađen na bazi od minimum 10 putnika za daleka putovanja i 50 putnika za evropska putovanja.
- U slučaju nedovoljnog broja putnika za realizaciju aranžmana ili drugih objektivnih okolnosti, organizator putovanja obavještava putnike o otkazu aranžmana najkasnije 10 dana prije datuma polaska za daleka putovanja i 5 dana prije datuma polaska za evropska putovanja.
- Kod aranžmana koji uključuju prevoz avionom, nakon kupovine aviokarata nemoguće je refundiranje istih i u tom slučaju važe uslovi avio kompanija.
- Kod aranžmana koji uključuju prevoz low cost avio kompanija, u slučaju odlaganja leta, otkaza ili gubitka konekcije putnici su dužni da sami plate novonastale troškove i agencija ne može da utiče na okolnosti koje su van njenog dometa.
- Cijene low cost aranžmana podložne su promjenama i po uplati avansa se provjeravaju tarife i putniku se potvrđuje cijena aranžmana.
- Agencija ne snosi odgovornost usljed promjena aviokonekcija od strane aviokompanije.
- Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Agencija zadržava pravo odabira prevoznog sredstva za transfere i vrši ih do smještaja ukoliko je to fizički moguće.
- Za sve ponuđene ili dostupne opcione doplate u vezi sa planom i programom puta ili smještajem, potrebno je izjasniti se prilikom prijave za putovanje.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/drugačija noćenja u smještajima, od onoga što je predviđeno planom i programom puta.
- Maloljetni putnici prilikom putovanja moraju imati ovjerenu saglasnost roditelja.
- Zbog poštovanja satnica predviđenih programom putovanja, kao i poštovanja vremena ostalih putnika iz grupe, ne postoji mogućnost zadržavanja na granici koja predstavlja izlazak iz Evropske Unije, radi ovjere računa i povrata poreza iz Evropske Unije (TAX FREE)
- Naša preporuka je da povedete računa na Vašem putovanju o ličnim dokumentima i novcu.
- Za ovaj aranžman primjenjuju se OPŠTI USLOVI PUTOVANJA usklađeni sa UTABIH standardom.

Napomene u vezi sa smještajem:

- Organizator putovanja, JUNGLE TRAVEL, zadržava pravo rasporeda po sobama, u skladu sa strukturom soba smještajnog objekta; ukoliko postoji mogućnost, agencija se trudi da izađe u susret željama putnika (molimo Vas za razumijevanje, budući da je ovo putovanje zamišljeno kao dobra zabava i avantura).
- U smještajne objekte se ulazi prvog dana boravka u skladu sa pravilima tog smještajnog objekta. Najčešće je check-in u popodnevni satima (14h ili 15h), a check-out je posljednjeg dana boravka najčešće do 10h ili 11h.
- Opisi smještajnih objekata su informativnog karaktera.
- Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)
- Putnik je dužan da poštuje pravila smještajnog objekta i sam snosi odgovornost usljed sankcionisanja od strane osoblja smještajnog objekta.
- U nekim smještajima Azije, Afrike i Latinske Amerike nema vruće vode.
- Smještajni kapaciteti vrše smještaj putnika i određuju raspored i tip soba prema svojoj raspoloživosti u datom trenutku. Agencija nije u mogućnosti da klijentima potvrdi da li će kreveti biti twin (razdvojeni) ili double (veliki francuski ležaj), kao ni spratnost u samom smještaju, osim ukoliko to nije posebno naznačeno Ugovorom. Klijent je uplatom aranžmana saglasan sa tom činjenicom i uslovima smještaja bez prava na žalbu.
- Putnici koji putuju sami u nekim programima imaju mogućnost da uz doplatu budu sami u jednokrevetnoj sobi. Ukoliko putnik želi da se spoji sa nekim drugim putnikom iz grupe i ne želi da plaća doplatu, prihvata da se spoji sa bilo kojom osobom iz grupe, bez obzira na godine i pol saputnika. U tim situacijama, agencija apsolutno ne odgovara za bilo kakve eventualne neprijatnosti ili neslaganja koje putnici mogu da imaju na putu.

Napomene u vezi sa fakultativnim izletima:

- Fakultativni izleti nisu obavezni dio putovanja.
- Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti.
- Fakultativni izleti se realizuju od strane lokalnih agencija i Jungle Travel nije u mogućnosti da utiče na stvari Van dometa agencije vezane za samu realizaciju izleta.
- Fakultativne izlete vode lokalni vodiči na samim lokalitetima na engleskom jeziku. Uplatom izleta putnik prihvata sve uslove lokalne agencije bez prava na žalbu.
- Agencija ne može uticati na dužinu trajanja putovanja do lokaliteta, vremena polaska, povratka ili obilazaka kao ni stručnost lokalnih vodiča.



Jungle Travel d.o.o.

Branilaca Sarajeva 14,
71000 Sarajevo

PIB: 4202134850007

MB:

Broj licence: 4202134850007

Tekući račun: UniCredit

Telefon: 033 552-552

E-mail: kontakt@jungletribe.ba

Sajt: www.jungletribe.ba

- Prilikom uplate fakultativnog izleta, putnik prihvata uslove lokalne agencije, organizatora fakultativnog izleta, i dužan je da o uslovima obavijesti saputnike za koje uplaćuje izlet. Bilo kakve naknadne izmjene, promjene i odustajanja od izleta nakon uplate, nisu moguća, niti je moguće u bilo kojim okolnostima refundirati uplaćeni novac.
- Molimo sve putnike da se prije uplate fakultativnog izleta upoznaju sa predviđenim itinerarom i uslovima fakultativnog izleta.

Napomene u vezi sa vizama:

- Putnici su u obavezi da se upoznaju sa viznim režimom države u koju putuju.
- Pojedine ambasade zahtijevaju lično prisustvo putnika prilikom viziranja i putnici su dužni da pravila ambasade ispoštuju.
- Putnici su dužni da dokumenta za viziranje dostave najkasnije mjesec dana prije putovanja, a ukoliko ih ne dostave u navedenom roku, dužni su da sami obezbijede vize za putovanje.
- Putnici koji ne posjeduju nove biometrijske pasoše BiH dužni su da se sami upoznaju sa viznim režimom države u koju putuju i da sami obezbijede vize za putovanje.
- Agencija ne garantuje dobijanje vize i nije ovlaštena da utvrđuje validnost dokumenata.
- U slučaju nedobijanja vize agencija ne snosi odgovornost.